

**SULIT**



**UTHM**  
Universiti Tun Hussein Onn Malaysia

**UNIVERSITI TUN HUSSEIN ONN MALAYSIA**

**PEPERIKSAAN AKHIR  
SEMESTER II  
SESI 2018/2019**

NAMA KURSUS	:	PENGUKURAN DAN PENILAIAN PENDIDIKAN
KOD KURSUS	:	BBD 30202
KOD PROGRAM	:	BBA/BBB/BBC/BBD/BBE/BBF/BBG
TARIKH PEPERIKSAAN	:	JUN / JULAI 2019
JANGKA MASA	:	2 JAM
ARAHAN	:	JAWAB SEMUA SOALAN

**KERTAS SOALANINI MENGANDUNG DUA PULUH (20) MUKA SURAT**

**SULIT  
TERBUKA**

Bahagian ini mengandungi 80 soalan. Tiap-tiap soalan diikuti empat pilihan jawapan A, B, C dan D. Pilih satu jawapan yang betul dan hitamkan jawapan pada kertas yang disediakan.

**S1** Apakah jenis penilaian yang boleh pensyarah gunakan bertujuan untuk mendapatkan maklumbalas dan membuat perkembangan dalam proses pengajaran dan pembelajaran?

- A Sumatif.
- B Formatif.
- C Diagnostik.
- D Penempatan.

**S2** Mengapa pensyarah perlu menggunakan Jadual Penentu Ujian?

- A Meningkatkan lagi kesahan.
- B Menerangkan sebaran jenis butiran.
- C Menerangkan objektif setiap soalan.
- D Meningkatkan lagi kebolehpercayaan.

**S3** Apakah bentuk ujian penilaian yang boleh digunakan oleh seorang pensyarah untuk melihat perbezaan kebolehan antara pelajarnya?

- A Sumatif.
- B Diagnostik.
- C Rujukan norma.
- D Rujukan kriteria.

**S4** Apakan ciri ujian yang menekankan kepada konsistensi keputusan sesuatu ujian?

- A Kebolehpercayaan.
- B Kepenggunaan.
- C Keobjektifan.
- D Kesahan.

**S5** Manakah antara berikut bukan tujuan utama objektif pengajaran kepada pensyarah?

- A Memperbaiki dan merancang proses pengajaran seterusnya.
- B Memberi arah memilih kaedah pengajaran yang sesuai.
- C Memberi panduan cara menilai pembelajaran.
- D Memudahkan pengajaran pensyarah.

**S6** Pernyataan manakah merujuk kepada meningkatkan mutu ujian?

- A Semua soalan tidak pernah dibincang dalam kuliah.
- B Pensyarah membincangkan soalan-soalan tahun yang lepas.
- C Pensyarah tidak memberitahu pelajar tarikh peperiksaan.
- D Pensyarah mengadakan ujian semasa ramai pelajar demam.

**S7** Berdasarkan Taksonomi Kognitif Bloom, apakah tahap yang merujuk kepada objektif pengajaran yang meminta pelajar mencantum beberapa maklumat atau idea, membuat ramalan, menyelesaikan masalah dan membina sesuatu yang baru?

- A Analisis.
- B Aplikasi.
- C Sintesis.
- D Penilaian.

**S8** Aspek apakah merujuk sekiranya keputusan PMR digunakan untuk menentukan kebolehan pelajar berjaya dalam peperiksaan SPM?

- A kesahan isi.
- B kesahan ramalan.
- C kesahan serentak.
- D kesahan gagasan.

**S9** Manakah pernyataan berikut tidak mempengaruhi pemarkahan penanda kertas jawapan?

- A Kesan halo.
- B Gaya penulisan pelajar.
- C Jawapan benar yang tidak disangka.
- D Kegagalan menguji objektif yang sesuai.

**S10** Apakah tujuan utama pemeriksaan skrip jawapan dijalankan antara pemeriksa dengan pemeriksa?

- A untuk mendapatkan kesahan.
- B untuk memperolehi keobjektifan.
- C untuk memudahkan kepenggunaan.
- D untuk mendapatkan kebolehpercayaan.

**S11** Manakah antara berikut yang merujuk kepada soalan jenis subjektif?

- A Soalan esei.
- B Pelajar perlu menyumbangkan jawapan.
- C Markah berbeza mengikut pemeriksa.
- D Pelajar menjawab lebih daripada satu perenggan jawapan.

**S12** Faktor manakah yang tidak mempengaruhi kesahan

- A susun soalan yang tidak betul.
- B arahan yang diberikan tidak jelas.
- C masa yang diberikan adalah panjang.
- D tahap kesukaran soalan yang tidak sesuai.

**S13** Manakah antara berikut merupakan turutan yang benar bagi tahap Taksonomi Kognitif Bloom?

- A Pengetahuan – Kefahaman – Aplikasi – Analisis – Sintesis – Penilaian.
- B Kefahaman – Pengetahuan – Analisis – Sintesis – Aplikasi – Penilaian.
- C Analisis – Sintesis – Pengetahuan – Kefahaman – Penilaian – Aplikasi.
- D Pengetahuan – Kefahaman – Penilaian – Analisis – Sintesis – Aplikasi.

**S14** Apakah kelebihan item objektif berbanding item subjektif

- A boleh diperbaiki dan digunakan semula.
- B lebih mudah dan lebih objektif untuk diperiksa.
- C mempunyai darjah kebolehpercayaan yang lebih rendah.
- D memerlukan kemahiran dan imaginasi dalam pembinaannya.

**S15** Pilih pernyataan yang boleh menyebabkan pelajar meniru atau menipu dalam peperiksaan.

- A meja pelajar dipastikan kosong semasa ujian.
- B susunan tempat duduk pelajar sesuai dan mengikut peraturan.
- C pensyarah hanya duduk di sudut kelas tanpa berjalan di sekeliling mengawasi peperiksaan.
- D butiran ujian dijaga dengan baik semasa proses membina, mencetak, menyimpan dan mentadbir ujian.

**S16** Bagaimanakah cara yang sesuai untuk mempertingkatkan ciri kebolehpercayaan dalam sesuatu ujian?

- A Menyediakan ujian yang mempunyai ciri kesahan ramalan.
- B Menyediakan ujian yang mempunyai ciri kesahan serentak.
- C Menyediakan bilangan soalan yang berpatutan.
- D Menolak markah calon yang meniru.

**S17** Manakah antara berikut bukan merupakan arahan yang perlu diberikan sebelum sesuatu ujian itu bermula?

- A Tujuan ujian.
- B Tindakan sekiranya meneka.
- C Kaedah memberi jawapan.
- D Siapa yang gagal dalam ujian tersebut akan didenda.

**S18** Apakah kegunaan pemarkahan secara analitik?

- A Lebih mudah diperiksa.
- B Boleh diperiksa oleh guru lain.
- C Sesuai digunakan untuk ujian eseи.
- D Mudah menyediakan skema pemarkahan.

**S19** Pemeriksaan ujian jenis eseи dipengaruhi oleh kesan halo. Manakah antara berikut merupakan contoh kesan halo?

- A Tulisan pelajar.
- B Kerajinan pelajar.
- C Kebersihan pelajar.
- D Sikap semulajadi pelajar.

**S20** Apakah cara yang paling berkesan mempertingkatkan ciri keobjektifan ujian subjektif?

- A Pemeriksa diberi latihan memeriksa.
- B Menyediakan item yang mudah diperiksa.
- C Ujian diperiksa oleh pemeriksa yang berpengalaman.
- D Pemeriksa mematuhi skema pemarkahan semasa memeriksa.

**S21** Manakah antara berikut merupakan ciri-ciri soalan yang baik?

- A Mencabar minda semua pelajar.
- B Tidak mencampurkan hal-hal politik negara.
- C Penggunaan bahasa yang canggih dan cantik.
- D Menepati aras kesukaran dan kesesuaian untuk semua pelajar.

**S22** Aktiviti apakah yang tidak boleh dijalankan di dalam dewan peperiksaan

- A mengawasi pelajar.
- B mempastikan faktor persekitaran yang kondusif.
- C memberi arahan lisan setiap 5 minit untuk memperingati pelajar.
- D mempastikan di atas meja pelajar kosong sebelum ujian dijalankan.

**S23** Pilih jawapan yang salah mengenai kenyataan berikut.

- A soalan objektif lebih sukar untuk diperiksa.
- B soalan objektif lebih sukar dibina daripada soalan subjektif.
- C skema jawapan soalan subjektif hendaklah disediakan setelah membina soalan.
- D soalan esei mempunyai darjah kebolehpercayaan yang kurang jika dibandingkan dengan soalan-soalan objektif.

**S24** Pilih kebaikan utama soalan jenis esei.

- A Kesahannya yang tinggi.
- B Nilai diagnostiknya tinggi.
- C Kebolehpercayaannya yang tinggi.
- D Kemampuan mengukur kemahiran pelajar dalam membuat kesimpulan dan menyusun idea.

**S25** Apakah tujuan utama penilaian bilik darjah dari aspek perkembangan dan kemajuan akademik?

- A Menilai prestasi guru.
- B Menambahbaik pengajaran.
- C Membandingkan keputusan pelajar dengan tahap norma peringkat negeri.
- D Membandingkan keputusan pelajar dengan tahap norma peringkat kebangsaan.

**S26** Peperiksaan awam apakah yang dikendalikan oleh Majlis Peperiksaan Malaysia?

- A PMR.
- B SPM.
- C UPSR.
- D STPM.

**S27** Penyataan manakah antara berikut yang paling baik menerangkan peranan ujian objektif dan subjektif di universiti?

- A Kedua-dua jenis ujian sesuai digunakan dalam setiap ujian.
- B Ujian subjektif meningkatkan kemahiran kritikal dan harus ditadbirkan selalu.
- C Penggunaan salah satu atau kedua-duanya harus diputuskan berdasarkan situasi tertentu.
- D Ujian objektif dapat mengukur dengan tepat dan lebih tinggi kesahannya maka ia harus digunakan pada setiap masa.

**S28** Manakah antara keadaan berikut menunjukkan penggunaan ujian esei tidak wajar dijalankan?

- A Untuk menggunakan prinsip sesuatu teori.
- B Untuk menilai sesuatu hipotesis dan implikasinya.
- C Untuk mengingati nama, peristiwa, istilah atau fakta.
- D Untuk menyusun dan mensintesis bahan pembelajaran.

**S29** Yang manakah antara berikut bukan prinsip-prinsip teknik penilaian?

- A Menilai mesti mempunyai objektif.
- B Penilaian mesti dinyatakan dalam gred.
- C Penilaian hanyalah petanda pencapaian lepas.
- D Menilai mesti berdasarkan ciri-ciri tingkahlaku.

**S30** Manakah istilah berikut yang bukan ciri-ciri ujian?

- A Kesahan.
- B Objektif ujian.
- C Kebolehtadbiran.
- D Kebolehpercayaan.

**S31** Pernyataan manakah sesuai untuk menjelaskan tujuan penilaian dalam proses pengajaran dan pembelajaran bilik darjah?

- A Menentu sejauh mana objektif pengajaran dapat dicapai oleh pelajar.
- B Membanding kecerdasan antara pelajar berdasarkan keputusan peperiksaan.
- C Mengenalpasti semua kelemahan pembelajaran pelajar dan kesilapan pengajaran pensyarah.
- D Merancang program pemulihan dan pengayaan mengikut keperluan pelajar.

**S32** Mengapa penilaian diagnostik dilakukan ke atas pelajar yang mempunyai kesukaran pembelajaran?

- A Untuk menguji tahap pencapaian pelajar dalam pembelajaran
- B Untuk mengukur tahap kecekapan pelajar dalam pembelajaran.
- C Untuk membantu pelajar memperbaiki prestasi dalam pembelajaran.
- D Untuk menentukan punca masalah pembelajaran dan menyediakan perancangan untuk pemulihian.

**S33** Manakah bukan persamaan antara rujukan norma dengan rujukan kriteria

- A menggunakan jenis soalan yang homogen.
- B memerlukan soalan yang mewakili dan sesuai.
- C menekankan perbezaan antara individu di dalam kelas.
- D menggunakan kaedah yang sama dan berguna untuk pengukuran pendidikan.

**S34** Ciri apakah pentaksiran itu bermutu tinggi dari aspek kesahan isi kandungan soalan

- A terdiri daripada berbagai aras soalan.
- B disediakan oleh pakar-pakar mata pelajaran yang tertentu.
- C menyentuh aspek-aspek penting isi pelajaran yang diajar.
- D dapat dijawab oleh kebanyakan calon dengan betul.

**S35** Pilih kenyataan yang kurang tepat mengenai kebaikan ujian subjektif.

- A cara ujian ini adalah lebih berkesan.
- B memerlukan jawapan yang tepat dan ringkas.
- C memerlukan masa yang singkat untuk membentuk soalan.
- D memberi peluang kepada pelajar untuk membuat penyelidikan.

**S36** Mengapakah Peperiksaan SPM dan STPM jarang dipertikaikan keputusannya?

- A Soalan disediakan oleh pakar.
- B Prosedur persediaan soalan adalah sistematik.
- C Peperiksaan selaras dengan tahap kognitif pelajar.
- D Penilaiannya mempunyai kesahan dan kebolehpercayaan yang tinggi.

**S37** Takrifkan maksud ujian diagnostik

- A satu jenis ujian penilaian tetapi mempunyai beberapa ciri khas seperti skornya yang berbilang.
- B satu jenis ujian pencapaian tetapi mempunyai beberapa ciri khas seperti skornya yang berbilang.
- C satu jenis ujian yang meramalkan prestasi atau kejayaan di masa hadapan dalam mengikut sesuatu kursus.
- D satu jenis ujian yang mengukur tahap penguasaan seseorang pelajar selepas satu tempoh pengajaran dibuat.

**S38** Berdasarkan jenis-jenis item yang disenaraikan di bawah, yang manakah paling sesuai digunakan untuk mengukur aspek kognitif tahap tinggi?

- A Esei.
- B Struktur.
- C Aneka pilihan.
- D Jawapan pendek.

**S39** Manakah langkah-langkah yang harus dilakukan oleh seseorang pensyarah dalam mentadbir sesuatu ujian?

- A Tentukan tujuan, bina *blue print*, kumpul soalan, pilih jenis soalan, sedia soalan, tadbir ujian, tafsir ujian dan guna keputusan.
- B Tentukan tujuan, kumpul soalan, pilih jenis soalan, sedia soalan, bina *blue print*, tadbir ujian, tafsir ujian dan guna keputusan.
- C Tentukan tujuan, bina *blue print*, pilih jenis soalan, sedia soalan, kumpul soalan, tadbir ujian, tafsir ujian dan guna keputusan.
- D Bina *blue print*, tentukan tujuan, kumpul soalan, pilih jenis soalan, sedia soalan, tadbir ujian, tafsir ujian dan guna keputusan.

**S40** Apakah faktor yang boleh merendahkan kesahan dan kebolehpercayaan bagi soalan jenis aneka pilihan?

- A Pensyarah membanyakkan soalan dari 30 soalan kepada 50 soalan.
- B Pensyarah memberitahu keputusan ujian kepada pelajar setelah 2 minggu ujian dijalankan.
- C Pelajar tidak mengulangkaji pelajaran matematik pada waktu malam yang keesokannya ada ujian matematik.
- D Terdapat 5 soalan ujian daripada 40 soalan yang tidak diajar dalam kelas tetapi soalan tersebut tidak dikira markah.

**S41** Manakah antara berikut bukan tujuan pembinaan soalan esei untuk pelajar?

- A Sesuai disoal pada peperiksaan akhir.
- B Pelajar dapat menyumbangkan jawapan.
- C Untuk menguji tahap kognitif yang pelbagai.
- D Soalan boleh disimpan supaya boleh digunakan lagi.

**S42** Apakah kelemahan dalam aktiviti soal selidik?

- A Boleh diposkan.
- B Jimat masa dan tenaga.
- C Boleh diedarkan kepada orang ramai dalam masa yang singkat.
- D Soalan yang kurang jelas tidak dapat diberi penerangan yang jelas oleh penyelidik dengan segera.

**S43** Soalan manakah contoh terbaik kaedah antara pemeriksa?

- A Soalan esei.
- B Soalan padanan.
- C Soalan benar-salah.
- D Soalan aneka pilihan.

**S44** Pernyataan manakah sesuai untuk menerangkan sembilan puluh peratus daripada pelajar-pelajar yang mendapat keputusan cemerlang dalam Peperiksaan Semester Satu Tahun Satu juga mendapat keputusan cemerlang dalam Peperiksaan Semester Dua pada tahun akhir.

- A kesahan isi.
- B kesahan gagasan.
- C kesahan ramalan.
- D kesahan serentak.

**S45** Apakah yang hendak dikira apabila kita mencampurkan semua markah dan dibahagikan dengan jumlah pelajar?

- A Min.
- B Mod.
- C Median.
- D Kekerapan.

**S46** Apakah yang hendak ditentukan dengan mengatur markah berdasarkan saiz dan bilangan ke arah titik tengah set markah sesuatu data dan merupakan purata bilangan?

- A Min.
- B Mod.
- C Sisihan.
- D Median.

**S47** Apakah yang dapat dijelaskan dengan pernyataan ia adalah ukuran yang mempunyai kekerapan yang tinggi?

- A Min.
- B Mod.
- C Sisihan.
- D Median.

**S48** Bagaimanakah mengira nilai beza antara?

- A Menolak markah tertinggi dengan markah terendah.
- B Mencampur markah tertinggi dengan markah terendah.
- C Menolak markah kekerapan tertinggi dengan markah terendah.
- D Mencampur markah tertinggi dengan markah di tengah-tengah.

**S49** Apakah tujuan pemberian pangkat kepada markah pelajar?

- A Menguji kecekapan pelajar.
- B Menguji kecekapan pensyarah.
- C Membandingkan prestasi pelajar.
- D Membandingkan prestasi pelajar dengan pensyarah.

**S50** Apakah tahap kemahiran yang paling sesuai dikaitkan dengan tahap kemahiran pelajar yang boleh membezakan, memilih dan juga memastikan sesuatu perkara?

- A Sintesis.
- B Analisis.
- C Penilaian.
- D Penggunaan.

**S51** Pilih kata kerja bukan domain kognitif?

- A Mengumpul.
- B Menjelaskan.
- C Menghuraikan.
- D Membandingkan.

**S52** Pilih kata kerja bukan domain psikomotor?

- A Membina.
- B Merekecipta.
- C Merumuskan.
- D Mengubahsuai.

**S53** Pilih kata kerja bukan domain afektif?

- A Merasa.
- B Melihat.
- C Memerhati.
- D Menerangkan.

**S54** Apakah kelemahan item padanan?

- A Sukar dibina.
- B Sukar diperiksa.
- C Sukar menggunakan kertas OMR.
- D Sesuai untuk mengukur pertalian antara dua fakta.

**S55** Mengapakah pensyarah lebih suka membina soalan aneka pilihan berbanding dengan soalan subjektif?

- A Pelajar tidak memberikan jawapan sebenar dalam soalan eseи.
- B Soalan subjektif hanya menyoal pelajar pada tahap kognitif tinggi sahaja.
- C Pensyarah boleh menggunakan kembali soalan aneka pilihan pada bila-bila masa.
- D Pensyarah sukar memberi markah kepada pelajar yang memberi jawapan terlalu panjang dalam soalan eseи.

**S56** Berapakah tahap kognitif mengikut taksonomi Bloom dalam pembinaan JPU?

- A 3
- B 4
- C 6
- D 7

**S57** Bagaimanakah mutu jawapan eseи pelajar dapat ditingkatkan dari kesahan dan kebolehkepercayaan?

- A Tempat duduk pelajar rapat semasa peperiksaan.
- B Kertas soalan eseи diperiksa lebih dari seorang pemeriksa.
- C Pensyarah keluar sekejap semasa ujian sedang berjalan dalam kelas.
- D Pensyarah menyediakan soalan dari buku panduan peperiksaan yang dijual di kedai.

**S58** Bagaimanakah penyusunan tahap kognitif dalam Jadual Penentuan Ujian?

- A Kiri ke kanan.
- B Kanan ke kiri.
- C Atas ke bawah.
- D Atas kiri ke bawah.

**S59** Data-data berikut yang manakah tidak terdapat dalam Jadual Penentuan Ujian

- A matlamat ujian.
- B tahap kemahiran.
- C jenis-jenis soalan.
- D jumlah soalan setiap isi kandungan.

**S60** Apakah dasar yang boleh digunakan oleh pensyarah untuk menganggarkan kemahiran yang harus diperolehi oleh pelajar?

- A Silibus.
- B Matlamat.
- C Jumlah soalan.
- D Bilangan soalan.

**S61** Apakah kebaikan pembinaan JPU dalam bilik darjah?

- A Memudahkan kerja membina soalan.
- B Mengelak dari menulis soalan tanpa perancangan.
- C Menilai kebolehan pensyarah dalam menyampaikan pengajaran.
- D Menilai kefahaman pelajar dalam pengajaran dan pembelajaran.

**S62** Berdasarkan rubrik berikut pilih penskoran yang cemerlang?

- A Telah menguasai semua objektif utama dan minor. Dapat memberikan hujah yang baik dan berkesan.
- B Hampir menguasai semua objektif utama tetapi masih memerlukan bantuan dalam objektif minor. Dapat memberikan hujah dengan memuaskan.
- C Memerlukan lebih bimbingan daripada guru. Perlu menguasai separuh daripada objektif utama dan sedikit objektif minor. Hujah yang diberikan masih belum cukup memuaskan.
- D Belum lagi menguasai sebarang objektif utama yang telah ditetapkan. Jika terdapat item betul pun adalah disebabkan bernasib baik, pelajar mungkin kurang faham kuliah yang diberikan. Hujah yang diberikan adalah lemah.

**S63** Mengapa arahan pengendalian peperiksaan perlu jelas?

- A Mengelakkan ralat.
- B Mengelakkan calon mengemukakan soalan.
- C Membolehkan calon mendapat markah yang tinggi.
- D Memudahkan pentadbiran dan aktiviti peperiksaan dilaksanakan seperti dirancang.

**TERBUKA**

**S64** Penyataan manakah merujuk kepada meningkatkan mutu soalan

- A Soalan terlalu sukar sehingga pelajar terpaksa meniru.
- B Soalan tidak dibincangkan di dalam kelas.
- C Kertas jawapan eseai diperiksa lebih dari seorang pemeriksa.
- D Soalan disediakan daripada buku panduan peperiksaan yang dijual di kedai.

**S65** Mengapa soalan sukar dijawab?

- I. Kekangan masa.
  - II. Arahan tidak jelas.
  - III. Tahap kesukaran tidak sesuai.
  - IV. Struktur ayat dan tatabahasa sukar difahami.
- A I dan II sahaja.
  - B I, II dan III sahaja.
  - C I, II dan IV sahaja.
  - D I, II, III, IV.

**S66** Pilih langkah-langkah untuk menyediakan item ujian yang bermutu tinggi

- I. menggunakan Jadual Penentuan Ujian.
  - II. memeriksa kertas jawapan mengikut skema pemarkahan.
  - III. membina item berdasarkan objektif pengajaran.
- A I dan II sahaja.
  - B I dan III sahaja.
  - C II dan III sahaja.
  - D I, II dan III.

**S67** Pilih pernyataan yang tidak benar mengenai kesahan

- I. kesahan serentak – merujuk kepada ramalan prestasi masa yang sama.
  - II. kesahan telahan – merujuk kepada prestasi yang berkait dengan sesuatu ciri.
  - III. kesahan gagasan – merujuk kepada kesahan jangka panjang.
  - IV. kesahan isi – merujuk kepada ketepatan isi ujian.
- A I sahaja.
  - B II dan III sahaja.
  - C I, III dan IV sahaja.
  - D I, II dan IV sahaja.

**TERBUKA**

**S68** Mengapa pengukuran afektif agak sukar dibandingkan dengan pengukuran kognitif

- I. berbentuk implisit.
  - II. tidak ditekankan secara formal di dalam kelas.
  - III. dipengaruhi oleh persekitaran.
- 
- A I sahaja.
  - B I dan II sahaja.
  - C II dan III sahaja.
  - D I, II dan III.

**S69** Apakah faktor-faktor yang boleh mempengaruhi kesahan dan kebolehpercayaan ujian

- I. arahan tidak jelas.
  - II. struktur ayat salah.
  - III. pelajar tidak bersedia.
  - IV. pola jawapan tidak dikenalpasti pelajar.
- 
- A I dan II sahaja.
  - B I, II dan III sahaja.
  - C II, III dan IV sahaja.
  - D I, II, III dan IV.

**S70** Apakah maklumat yang perlu ada dalam muka hadapan kertas soalan?

- I. Nama subjek.
  - II. Masa peperiksaan.
  - III. Arahan soalan.
  - IV. Objektif peperiksaan.
- 
- A I dan II sahaja.
  - B I, II dan III sahaja.
  - C II, III dan IV sahaja.
  - D I, II, III dan IV.

**TERBUKA**

**S71** Manakah antara berikut tidak boleh digunakan untuk menerangkan markah?

- I. Graf.
  - II. Akuran.
  - III. Histogram.
  - IV. Carta.
- 
- A I sahaja.
  - B II sahaja.
  - C I dan IV sahaja.
  - D I, II dan III sahaja.
- 
- S72** Apakah ciri-ciri taksonomi?
- I. Etakognitif.
  - II. Kognitif.
  - III. Psikomotor.
  - IV. Afektif.
  - V. Konstruktivisme.
- 
- A II dan III sahaja.
  - B I, III dan IV sahaja.
  - C I, III dan V sahaja.
  - D II, III dan IV sahaja.

**S73** Bagaimanakah susunan yang betul bagi penyediaan Jadual Penentuan Ujian?

- I. Penentuan peratus ditentukan.
  - II. Jenis butiran dinyatakan dalam soalan.
  - III. Guna silibus, bahan pengajaran ditulis dari atas ke bawah.
  - IV. Jadual dipenuhkan dengan bilangan soalan dalam bentuk nombor untuk setiap tajuk.
- 
- A I, III, IV, II
  - B I, IV, III, II
  - C II, III, IV, I
  - D IV, II, I, III

**TERBUKA**

**S74** Pilih faktor-faktor yang mempengaruhi kesahan soalan.

- I. Ambiguiti.
  - II. Arahan kurang jelas.
  - III. Soalan jawapan boleh diramalkan.
- 
- A I sahaja.
  - B I dan II sahaja.
  - C II dan III sahaja.
  - D I, II dan III.

**S75** Apakah ciri-ciri pemeriksa kertas jawapan yang baik?

- I. Pemeriksa kertas jawapan mestilah adil.
  - II. Mesti mematuhi peraturan pemarkahan yang disediakan.
  - III. Perlu tegas (*strict*) terhadap mutu jawapan pelajar.
  - IV. Perlu lembut (*lenient*) terhadap mutu jawapan pelajar.
- 
- A I dan II sahaja.
  - B I, II dan IV sahaja.
  - C I, III dan IV sahaja.
  - D I, II, III dan IV

**S76** Apakah kebaikan penskoran secara holistik?

- I. Mempercepatkan proses penskoran.
  - II. Memberikan maklumat terperinci bagi setiap skor.
  - III. Menulis dengan bahasa yang kemas, lancar dan jelas.
- 
- A I dan II sahaja.
  - B I dan III sahaja.
  - C II dan III sahaja.
  - D I, II dan III.

**TERBUKA**

**S77** Pilih instrumen pentaksiran yang boleh digunakan untuk menilai pelajar?

- I. Soalan berstruktur.
  - II. Eksperimen.
  - III. Portfolio.
  - IV. Lisan.
- 
- A I dan II sahaja.
  - B I, II dan III sahaja.
  - C II, III dan IV sahaja.
  - D I, II, III dan IV.

**S78** Manakah pernyataan yang benar tentang fungsi gred?

- I. Memberitahu keberkesanan pengajaran guru.
  - II. Memberitahu ibubapa tentang prestasi anak mereka.
  - III. Memilih pelajar untuk melanjutkan pelajaran.
  - IV. Menerangkan kekuatan dan kelemahan pelajar.
- 
- A I, II dan III sahaja.
  - B II, III dan IV sahaja.
  - C I, III dan IV sahaja.
  - D I, II, III dan IV.

**S79** Antara berikut manakah sumber varian berbeza yang mempengaruhi soalan berat sebelah (*bias*)?

- I. Lelaki dengan perempuan.
  - II. Bandar dengan luar bandar.
  - III. Taraf ekonomi berbeza.
- 
- A I dan II sahaja.
  - B I dan III sahaja.
  - C II dan III sahaja.
  - D I, II dan III.

**TERBUKA**

**SULIT**

BBD 30202

**S80** Apakah kesan fizikal yang dihadapi oleh pelajar-pelajar semasa menjalani peperiksaan?

- I. Jantung berdebar.
  - II. Tengkuk tegang.
  - III. Tangan menggeletar.
  - IV. Bersemangat menjawab peperiksaan.
- 
- A I dan II sahaja.
  - B I, II dan III sahaja.
  - C II, III dan IV sahaja.
  - D I, II, III dan IV.

- SOALAN TAMAT -